

Wien, Österreichische Nationalbibliothek (ÖNB), Cod. 1240

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

107

C O D I C E S

108

Librario membranae parco visum fuisset eo ad complendum *Ezechielem* uti. Dehinc vero usque ad finem inoffensus decurrit, excipiturque a *Daniele*, qui rursus *Hieronymi* Praefatione munitus est hoc initio litera quadrata: *Danielem Prophetam iuxta Septuaginta Interpraetes domini saluatoris ecclesie non legunt &c.* Prophetae ipse eodem scripturae genere incipit, sed admodum multilis est; deficit enim a C. II. v. 44. usque ad C. IV. v. 33. Item a C. V. v. 17. usque ad C. XIII. v. 14. Ultimus demum five 42. Versus C. ult. deest. *Prophetas minores* generalis *Hieronymi* Praefatio antecedit hoc rubro litera quadrata: *Incipit Prologus Duodecim Prophetarum. Non idem Ordo est duodecim Prophetarum apud hebreos &c.* Sunt omnes integri, titulisque rubricatis quadratisque gaudent usque ad *Aggaeum*, ut supra dictum est, cuius partem, uti et sequentia ex hoc venerandae antiquitatis monumento deperiisse, omnino dolendum est. Praefationes *Hieronymianae* diversimode ab editis discrepant.

XLVII. VI. f. 25.

419 Codex membraneus lat. Sec. XIII. Folior. 61. 4. columnis tribus, media Textus, utrinque Glossarum, probe exaratus, rubricisque distinctus *Danielem Prophetam* complectitur ex interpretatione vulgata. Praeit, ut in *Biblio glossatis*, *Hieronymi Prolo-*

gus: Danielem prophetam iuxta LXX. interpretes domini saluatoris ecclesie non legunt &c. nomine tamen Autoris subpresso. Sequuntur Excerpta partim ex altera *Hieronymi Praef. ad Pammach. et Marcellam*, quae legitur edit. *Vallars. T. V. col. 617.* partim e *Glossa ordinaria Walafredi Strabi*, prout habetur in *Bibl. glossatis*. Ita et deinceps Textus *Glossa ord. et interlineari* stipatus procedit, quae tamen finem versus sensim deficiunt, et c. 14. penitus cessant. Exemplum mendis non caret. Ita statim sub initium C. 1. legitur *arphaxat* pro *Asphenez* (אַשְׁפֵנֶז) et glossa interlinearis *equorum domitor* ponenda ad *Nabuchodonosor* ridicule ponitur ad *prepositum eunuchorum*. In fine deest integer Versus 42. Tunc rex ait: *Paucent omnes &c.*

II. fol. 59. p. 2. minuto charactere Compendium *Chronologicum*, quod incipit: *Presens seculum in duos status distinguitur. seu in certa tempora. Primus status qui dicitur uetus ab adam usque ad Chriftum &c.* Atque hunc Statum tantum enarrat Noster, insertis ex Historia sacra successionibus *Patriarcharum, Judicum, Regum et Sacerdotum*, e profana vero Regum *Persiae, Aegypti et Syriae*, prout habentur in *Eusebii Chronicō*.

XLVIII. VI. f. 5

Codex membraneus lat. Sec. 293 X. Folior. 103. f. eximiae notae, luculentē scriptus, rubricis di-

Wien, Österreichische Nationalbibliothek (ÖNB), Cod. 1240

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

109

HIEROGRAPHICI.

110

distinctus et optime servatus complectitur *Machabaeorum Librum I et II.* ex Interpretatione vulgata. *Librum I.* anteit Elenchus *Capitum* hac inscriptione miniata: **¶ Incipiunt Capitula Libri Machabeorum.** Horum censentur LXI. hoc initio: *I. Ubi euersa bierusalem consenserunt iudaei editio regis sacrificare idolis. II. Ubi lex dei exulta est iussu regis antiochi populo sacrificante idolis &c.* Atque haec 4. insunt folia. Dein: *Incipit Liber Primus Machabeorum.* Decurrit hic absque notabili discrepancia ab Impressis hodiernis, habetque notata in margine non tantum LXI. illa Capitula seu *Lectiones*, sed etiam a manu paullo recentiore XVI. modernae distributionis Capita. Ad calcem litera quadr. ut in omnibus Titulis, legitur: *Explicit Machabeorum Lib. Primus*, et continuo: *Incip. Capitula Libri Secundi.* Sunt haec numero LV. et hoc initio. *I. Vbi occisus est antiochus rex in templo naneæ (a) sacerdotibus cum his qui secum erant. II. De igne sacrificii qui fuit absconditus in puteo &c.* Occupant paullo plus quam 2. folia, et mox: *Incipit Liber. Secundus. Machabeorum.* Eadem ratione, qua prior, nisi quod Capita distributionis modernae in margine non notentur. Speciminis ergo adscribam finem C. XII. qui fol. 96. p. 1. habetur: *et facta conlatio ne! XII milia. dragmas argenti. misit bierusolimam. offerri pro peccato sacrificium. bene et religiose de resurrectione cogitans. oratione*

et oblatione pro defunctis; nisi enim eos qui ceciderant resurrecturos speraret. superfluum uideretur. et unum orare pro mortuis! et quia considerabat quod huius qui cum pietate dormitionem acceperant. optimam haberent repositam gratiam; sancta ergo et salubris est cogitatio pro defunctis exorare! ut a peccato soluerentur; In calce adjectum: *Explicit Liber Machabeorum. Deo Gratias.* Nullus ambigo, Libros hos olim ad integra Biblia pertinuisse, quae jactura sane dolenda intercidere.

XLIX.

XI H 6.

Codex membraneus lat. Sec. 77⁶ XIV. Folior. nunc 101. 8. minute sed eleganter per duas columnas exaratus, et quondam *Alamanii Corraducii Nepotis*, ut videtur Viri docti *Rudolphi Corraducii J. U. D.* et sub *Rudolpho II. Vicecancellarii Imperii*, de cuius reliqua Bibliotheca egit *Lambecius noster Comment.* L. I. p. 65. edit. *Kollar. col. 136.* continet *Novum Testamentum*, cui primo avulsum est initium usque ad verba *Matth. C. II. v. 20. vade in terram Israel;* dein pars *Evangelii Lucae a C. X. v. 19* verbis: *et super omnem virtutem inimici, cum toto Johanne, Epistola Pauli ad Röm.* et initio *I. ad Cor.* usque ad verba *C. IX. v. 2. tamen vobis sum, nam signaculum apostolatus mei &c.* Libris singulis praefixa sunt nota Argumenta. *Actus Apostolorum* Epistolis *Paulinis* postponuntur. *Job. I. c. 5.* adest quidem utrumque